

# REFLEKSI

Sepanjang tempoh belajar di Universiti Sains Malaysia, sikap berdikari dan keyakinan diri adalah perubahan yang paling besar terhadap saya. Sebelum ini, saya akan takut berseorangan, takut bercakap di hadapan orang ramai, takut akan banyak-banyak perkara. Sekarang, saya boleh menghadapi sebarang masalah dengan diri-sendiri. Misalnya, setiap perkara perlu ditanggungjawab oleh diri-sendiri. Masa depan adalah dibentuk oleh diri-sendiri, tidak boleh bergantung pada ahli keluarga, kawan-kawan, dan orang lain. Dengan itu, perubahan ini dapat membuktikan saya telah matang secara mental.

Selain itu, semangat cinta akan pengajaran juga disemai sedikit demi sedikit di dalam hati saya. Semasa memilih kursus Pendidikan, saya masih ragu-ragu terhadap keputusan ini. Sekarang, saya tidak menyesal terhadap keputusan mengambil kursus Pendidikan. Saya berasa bersyukur kerana Tuhan memberikan peluang ini kepada saya. Saya tidak akan berputus asa dalam perjalanan menjayakan impian sebagai seorang guru.

Di samping itu, saya menjadi aktif dalam kokurikulum. Semasa belajar di sekolah menengah, saya amat benci terhadap kokurikulum, kerana berpendapat kokurikulum sangat membebankan. Sikap dan pandangan ini berubah sejak saya masuk dalam universiti. Pada mulanya, saya terpaksa memilih salah satu badan beruniform untuk menyertainya. Hal ini disebabkan oleh semua pelajar yang mengambil kursus Pendidikan wajib untuk menyertai badan beruniform. Jadi, saya telah menyertai pasukan beruniform St. John Ambulans Malaysia Kor USM. Sekarang adalah tahun ketiga saya sebagai ahlinya. Semangat kekeluargaan antara ahli-ahli sentiasa dipupuk melalui aktiviti yang dijalankan. Melalui penyertaan kokurikulum, saya telah mengenali rakan-rakan yang baru.

Seterusnya, saya seorang yang suka senyum, kerana senyuman itu boleh menyebarkan kegembiraan kepada setiap orang. Saya gembira apabila melihat orang di sekeliling saya berasa gembira. Begitu juga, pemikiran yang positif adalah kebiasaan saya. Hal ini disebabkan pemikiran yang positif akan menyumbang sokongan kepada kita secara tidak langsung. Dengan pemikiran yang positif, saya mempercayai bahawa setiap perkara atau cabaran boleh diselesaikan. Tegasnya, saya telah mempelajari ketabahan dalam kehidupan.

**“TERUSKAN BERUSAHA, SHY HUI”**